





林下堂詩卷十六

雲山老人

程塾

秋水

時年七十又九



丁亥一

春雪

春雪少筋骨飄颻無定情縱能同粉白似覺比雲  
輕入樹花爭發連阡玉可耕一時生氣象虛閣有  
餘清

遲起

日暖睡方足虛幃手自開敢嫌春夢杳苦被亂鶯



催盥櫛何嘗廢衣冠聊免哈喜無車馬至不用遁  
顏坏

清夜

几席清於水琴書得屢供冰花浮片片燈蕊繫重  
重凍犬吠昏月殘更咽斷鐘無眠且無伴何處酒  
杯濃

正月十日

九陌傳金鼓今宵又試燈光明疑不夜風景舊相  
仍舉步心先懶因誰興可乘衆人爭向火惟我獨

懷冰

對鏡感舊

浪作林泉一散民鏡中白髮又添新卅年不作京  
華夢斷絕音書少故人

元夕喜都竹村邗江返棹

纔說揚州又楚州春風十日往來遊三年不共今  
宵月轉眼欣回一葉舟且喜盤餐供絡繹漫勞金  
鼓報更籌欲酬佳節惟酣飲燭影燈光醉裏收

韓侯釣臺



高碑猶屹立寂莫大河濱不少垂竿客曾無膝下  
人

又雪

爛漫雪連夜家家早閉門舟車勢欲絕鴉鵲寂無  
喧乘興曾思戴僵眠卻憶袁饑寒人不免何忍獨  
開樽

雪止

雪止梅先覺冰堅魚未知東風失權柄春冷竟如  
斯古慢朝慵啟紅爐坐不移煖寒如有約掃徑莫

教遲

望雪

積雪凝如鑄登樓豁我胸天開銀世界山擁玉芙  
容映水連沙濶和雲着樹濃夕陽且收拾留伴月  
溶溶

逢人

相逢淮水上相見兩疑猜不信我猶在何因君肯  
來人情原自好世味已全灰飲酒勿復道擎杯莫  
放杯



薄暮至且園

放步不暇懶窺園興未窮草心回舊綠梅蕊弄新  
紅春色夕陽外年光逝水中臨流鑒毛髮小立板  
橋東

小雨

潤物功雖淺因風拂面頻溶溶渾似霧莫莫竟如  
塵過眼昏難見沾衣濕未勻若非苔徑滑不少踏  
青人

古劍

古劍淹垢塵剝蝕鋒刃缺棄擲幾何時不復知年  
月把弄失輝光仇恩兩磨滅當軒反覆看似有斬  
蛟血奈何今日不若鉛刀與白鐵

老夫

老夫年近耄世事飽經過眼底英雄少人間醜婦  
多白頭空浩歎青鬢已蹉跎祇合安愚陋蓬門掩  
薜蘿

可歎

萬族皆有依落花豈無蒂念彼孤與寡置之誠非



義詎知十餘載虛作千年計既不務生理更不曉  
文字懶惰信天生非愚復非智何忍不成人終身  
甘自棄嗟哉白髮翁暮景少歡趣無子已忘情有  
孫翻是累

竟夕

竟夕迢迢坐無眠亦自安月明燈色淡星冷劍光  
寒人為敲詩瘦心因得酒寬漫須嫌寂莫偶影不  
為單

蒲團

蒲團是我回頭路合掌焚香理佛牀一諾祇今慙  
孟浪前因未必盡荒唐犁牛有子原堪羨老馬為  
駒信可傷攬鏡自憐還自笑鬚眉如雪鬢如霜

都竹村之西莊

二月事春作春風好東裝南橋通北澗東路入西  
崗柳岸歸黃犢晴坡點白羊一鞭村舍近雞犬報  
斜陽

閒吟

少年多所歡老大百不好白日鎖松筠聞然息萬



竅壁琴枯於僧竹屋冷於廟閒時抱膝吟興來開  
口笑俯仰寡愆尤應接鮮偽貌飲酒啜其醜讀書  
領其要固陋安顏齡才華遜英妙終恐累虛名閱  
影甘埋照昨日東風來家園春已到草木被恩先  
鶯蝶未全鬧乘興一登臺放目窮遠眺悠悠雲外  
帆渺渺思同調同調豈無人何心問屠釣

春情

美人拭淚指摻摻舊恨新愁日見添自是春風無  
氣力尋常吹不到眉尖

黃沙

不信金為屑貪看着處黃力堪驅石走勢若借風  
狂便可遮山色終難掩日光飛沙無近遠一望晝  
茫茫

滅燭吟

滅燭就衾枕仰臥張雙目長夜苦無眠鼠輩來何  
速兩兩又三三迴環奔轂輓或翻墨池水或倒盞  
中粟一飽未忘情尚思穿我屋我屋安如山請君  
且退縮



憫驢

養驢各有因非騎非轉磨憫彼毛骨枯鞭敲何罪  
 過補瘡合其口膏藥裹其破用後漢書段醫傳充之以豆藿  
 無復課勤惰經年累月間耳長面更大幸得免烹  
 烝肉多身不怕惟念主人恩含情那可唾主人終  
 不貧驢亦終不餓

自嘲

一年老一年一日老一日非鬼非神非仙非佛再  
 老老不去再活活不得問我欲何為我亦說不出

問梅

水邊消息近如何人畏春寒步懶過試問梅花開  
 幾許三分不足二分多

咏梅二首

鐵榦霜枝紀歲華或欹或立影交加雖無翠羽三  
 春夢的有紅羅萬樹花孟氏尋香驢踏雪林家貴  
 酒鶴還家朝來莫往頻頻看端為題詩到日斜  
 團泥塞竈斷烟火信爾清芬自出塵何處好風吹  
 窈窕飛來明月長精神但愁世外無仙侶詎意樽



前有艷人醉舞酣歌君莫笑折花滿插帽簷春

青鞋

青鞋皂帽老邱樊城市風光久厭煩車馬無喧甘  
契濶音書未達遠寒溫逍遙合借神仙福醉飽寧  
非天地恩花下一杯休去手十人今見幾人存

七絕句二首

孟嘗雞狗散如風蠟炬灰乾綺席空一部梨園終  
乃事夢魂縹緲管絃中

立雪曾誰稱弟子捉刀若個是英雄蜃樓變幻非

難事總在氤氳霧氣中

吟詩

日日花前問酒卮對花吟咏意如癡世間何物能  
消遣一首詩成死亦宜

屋裏

眼前無俗韻屋裏有園林暖日花爭發高枝鳥獨  
吟不嫌人境寂何用酒杯深閒散終吾事悠悠送

古今

酬贈李白兩家詩選



清狂自笑無知識終日吟詩祇厚顏斗酒空澆李  
學士黃金難鑄白香山詩才原可通仙佛凡骨焉  
能越世寰連壁忽蒙雙見贈風檐開卷未應閒

去雁

去雁聲嗚咽憐君又北飛世間羅網密難得一行  
歸

野外

烟光處處迷不復辨東西風草無停綠幽禽自在  
啼但憐春似錦奚忍醉如泥獨立長空外乾坤一

杖藜

子夜歌四首

月色隨人轉闌干影自移春風吹妾夢飛上最高  
枝

雙雙池上蓮顏色開來好竊恐待郎歸郎歸妾已  
老

芙蓉底死紅秋水傷心碧昨夜雁聲來叫破一輪  
月

郎非負義人肯作沾泥絮前日風雪中車馬淹何



處

仲春夜

西風送寒雨夜半忽驚秋二月成虛擲春愁那自由垂帷先息燭擁被好加裘一枕美人夢輕衫濕未收

落梅歎

一夜多風雨殘梅已滿溪餘香歸玉笛艷色葬春泥閣上人何在枝間鳥獨啼既經吹散了何用問東西

飯後歌

一夜竟夜醒一日半日睡推枕不多時轉覺閒無事尚餘半日焉所施藥裹隨身終不離有時飯後踏園林林花簇簇嬌欲膩巡香弄蕊苦多情酣蜂醉蝶同遊戲興盡歸來日又西挑燈依舊供無寐經年累月少變通天公限我何其泥耳未聾目先瞶可生可死無關係回首少年心膽驚浮生未信真如寄風光過後請思之何者為名孰為利

老梅



百轉摩抄客有思老梅憔悴少人知幾經風雨嗟  
誰惜占盡冰霜苦自持傲骨合應成倔强孤標那  
得不清奇羞將冷艷誇紅白聊放疎花一兩枝

飛花

虛櫺巧入鮮人知不信飛英隨硯池墨與花香渾  
未悟鼻端消受已多時

百舌二首

新鶯宛轉燕呢喃百舌啼時春未酣枕上一聲魂  
夢杳不知身已到江南

一鳥聲兼百鳥聲花間弄舌語分明但愁嘲啗無  
倫次敢向高枝學鳳鳴

求閒

俗情能擺落世網何由牽兒女生前累林泉見在  
緣但求閒一日不望醉三年此外無他想惟知樂  
我天

阻雨

晨朝乘興出奚意阻閒遊冷雨花之厄涼風蝶也  
愁小亭真索莫春氣欠和柔可惜好時日淒迷兩



目收

壁劍

三餐聊自勉一飯為誰留夢裏青山遠鏡中白髮  
休有田難種玉何地可埋憂寶劍空懸壁無因敢  
浪投

勗孫

人心那料得幻滅竟如塵消長雖由命空冥或有  
神一絲難假借萬事付前因勉力為君子安貧且  
讓人

晴

一春多雨色今喜接晴光日暖花如醉風輕蝶不  
忙杖藜隨蔓草絲管隔鄰牆傾耳聽無厭因之引  
興長

春閨

悄悄梨花院深深晝掩扉美人時獨立嬌燕必雙  
飛恍忽當年別朦朧昨夜歸豈知春夢斷落月照  
孤幃

哭杜秀才



老淚兩三點哭君詩一篇生前襟露肘沒後室如  
縣才盡空餘筆硯荒何處田豈無門弟子不少紙  
為錢

所居

所居雖近市若勝在山中嗜懶元知癖工詩豈合  
窮孤鳴風雨疾獨立地天空最是無人處飛花滿  
眼紅

園花盡放喜族叔竹南姪孫二業見過

衆香團一氣百卉匝亭臺扶杖從容起穿林笑語

來花前人四代石上酒千杯他日能相過還應撥  
舊醅

三月

拂面輕陰柳色勻梨花似雪草如茵黃蜂白蝶能  
隨我語燕啼鶯欲喚人老去心情歸短夢閒中歲  
月付殘春青衫皂帽無顏色泌水衡門好托身

愁坐

天氣晝昏黑雷車走半空密拋冰與雹亂落雨兼  
風着樹能消綠經花暗損紅春光畏凋歇愁坐有



衰翁

憶昔

憶昔傷心處悲來不自由  
眼枯他日淚頭白此生  
休便飲千杯酒難勝萬斛愁  
行行復卻卻奚事苦  
夷猶

多病

多病身難健無營懶益加  
逍遙雖似鶴叫跳不如  
蛙白白盈頭雪昏昏兩眼花  
晚年知愛惜藥餌送  
生涯

扣門

殘春寂莫喜都竹村  
顧廷芬攜酒榼見過  
眼前春事了小徑履聲稀  
欸欸鶯兒語輕輕燕子  
飛花殘紅退色蝶懶白  
添肥悶極無聊賴誰來扣  
夕扉

遲頓

遲頓甘於拙疎慵性所安  
新交難孟浪舊識儘凋  
殘世味靜中得人情好處看  
自吟詩送老不用問  
悲歡



零落

零落百花叢飛飛西復東豈知香易歇竟使色成  
空仰面多新綠回頭失舊紅端因春欲盡莫怪夜  
來風

過仍園

茲園何所有一片夕陽多亂石填溝澮枯桐倒薜  
蘿牧兒採雀卵野犬吠蜂窠來往少歡趣低回懶  
再過

晨鐘

晨鐘聲隱隱窗色已微明屋角鼠歸穴墻頭鳩喚  
晴下牀虛枕簟闢戶敞軒楹寂坐形非槁新詩鍛  
煉成

日出

日出呼童起雲歸悅鳥還世途三峽水人面九疑  
山敢謂能安命但求無覘顏藜羹與餽粥一飽有  
餘閒

悲哉行

山陽北門北纍纍多邱壘獲兔穿穴入狐狸帶月



林下堂詩 卷十一  
奔顧此一坏土中有千秋魂幾人能富貴幾家有  
子孫葬人人葬我遞哭母乃煩悲哉復悲哉惻惻  
難為言

送客入城

十丈桃花岸千絲楊柳條送君不暇懶舉步敢辭  
勞小艇隨春漲輕風逐短篙晚來烟漠漠城上暮  
鳥號

遣意

進退存吾拙行藏性各殊漫勞頻獻玉不用暗投

珠闌世輕前輩幽居任老夫悠然書閣下合與古  
為徒

春泛

輕橈蕩漾往來頻可可虛舟穩載身水面琵琶湖  
上客樓頭楊柳畫中人一雙燕子曾相識兩岸桃  
花欲問津但恐烟波迷去路仙源何處武林春

柳花

四月柳飛絮穿花暗惹香輕沾衣上露誤點鬢邊  
霜宛轉能為態飄零亦可傷欲知歸定處點點下



池塘

聽雨

落響雨初鳴傳聲遍楚城夏涼浸物冷風定擊簾  
輕耳向花間碎心於枕上清終宵難得睡起坐待  
天明

月夜

露濕衣裳薄庭空月色乾深深憑几案脈脈倚闌  
干明比青銅鏡團如白玉盤松陰鋪滿地冷翠欲  
生寒

菜畦

連畦飛蛺蝶匝岸叫蝦蟆抱瓮夕陽外窺園春水  
涯不勞白木柄且折黃金花插在瓦盆裏居然老  
圃家

遣事二首

倦眼驚遲暮冲天看鳥飛青霄雲路迴白髮寸心  
違反覆情多忤遭逢事屢非靜中空息慮松竹掩  
柴扉

進退嗟誰惜操勞又十年饑烏貪食肉老馬不勝



鞭羶羶真無忌雷霆奚有焉同庚妻子在亂髮兩  
垂肩

藥欄

輕陰漠漠雨如塵朝夕羊裘穩戀身踈懶自然忘  
禮法從容何處不天真窗前小犬頻依主檻外啼  
鶯若喚人散步好憑詩遣興藥欄幾曲履痕新

夏日窗間雜咏十首

芍藥一瓶茶一甌等閒歲月此中收但求俯仰能  
無愧雲自高飛水自流

石角籬根竹徑連芊芊草色碧於烟有誰共我開  
新釀青簟平鋪一醉眠

絕無雞犬混柴門風雨圖書我亦尊一卷殘編閒  
放帙銀花歷亂白魚奔

狸奴慣習花間睡梁燕時遭瓦雀欺莫怪世人甘  
苦異物情亦自有叅差

松間琴韻隨風斷竹裏碁聲待客敲不道吟詩身  
苦瘦逢人難免飯山嘲

蒼烟冷樹寫倪迂滿紙寒烟擁坐隅滌硯傾泉幽



事了一枝秃筆臥珊瑚

蜀葵高出舊欄干欄外多時倚杖看得失盡皆身

外事何如花下酒杯寬

絲絲楊柳陰垂地曳屣徐行無箇事竹笋青青過

短墻黃鸝飛上櫻桃樹

佛前香火供朝昏心似枯僧髮未髡蔓草牽延何

日了百年空自守頑根

五色丹成藥一丸仙人引我上雲端夢魂忽隕三

千丈汗濕青衫醒未乾

蠹木

蠹木日槁枯枝撐了無奈詎知心腹憂緣內以達  
外

老蠶

老蠶不受烹辛勤散蠶子收取任他人化作飛蛾  
死

黃蜂

黃蜂金為裳鑽花香滿口刺人不以面其毒乃在  
後



堂燕

主人有華堂慎勿頻窺覩我雛未長成何忍連巢去

饑鷹

饑鷹恣貪饕衆肉供其腹黃雀最可憐半餐恒未足

簷雀

有雀有雀寄身於瓦不棲高枝却來簷下

啄木

啄木啄木木去其蠹彈射難辭木弗之顧

丹鳳

九霄之鳳恥弄雞雛千里之馬老不如駒

蜘蛛

蜘蛛不仁空中着想賊物為心牽絲布網

遣悶

擺落原非易糾纏何日休天高那可問人老不禁愁白髮稀堪數青瓊舊尚留悶懷終莫遣朝夕倚危樓



長吁

世網憑疎密全身遠禍樞久辭鷓鴣鷺侶且應馬牛  
呼屠狗思豪客魚鹽少丈夫高高天在望仰面一  
長吁

苦吟

斷送朝雲與暮霞方窗曲几寄生涯青苔迳罕  
人跡古巷斜陽是我家硯上不留隔宿墨瓶中亂  
插幾枝花苦吟未信成消渴活火頻煎小片茶

池涸得雨

天公償我一池水驟雨忽來迅於駛滂沱四注勢  
未厭頃刻盈虧有若此走碧搖青漸可觀枯荷槁  
荇淖然起渴蛙擊鼓聲欲動白鷺眼明顧之喜臨  
流鑑影鬚眉真此身疑隨鏡光裏翻思前日土花  
乾無數魚蝦都入市乃知江海自深深無源之水  
焉足恃

午窗

頻搔霜鬢意云何世外浮雲一任他無事著書長  
廢食有時對酒獨當歌山中逸士居然少天下庸



人本自多苦恨暮年筋力短午窗睡起影婆娑

歷歷

歷歷眼前事昏昏醉裏休窟金憐郭况枕塹憶黔  
婁賈禍由貪吝求仁寡怨尤賢愚分涇渭清濁豈  
同流

讀史

乾坤納納一蜉蝣瞥眼光陰春復秋日月星辰光  
炯炯江河湖海水悠悠心如野鶴亡拘束身似閒  
雲自去留歷代興衰青史在幾人談笑覓封侯

趙一娘

雨過閒塘燕子忙落花流去水猶香美人別後無  
消息五十年前趙一娘

古詩二首

鳳皇止高岡梟鵬滿天地不得瞻仁鳥往往逢惡  
類惡類能禍人復恐為人飼災祥會有因達者非  
所忌

低樹縣蜂窠迳徑擁枳棘歷此苦躊躇俯仰有難  
色疾惡豈無心櫻之害易及君子防未然終須慎



出入後輩輕前輩今愚異古愚衡門詩可賦藜杖  
病須扶問世惟高枕論文但撚鬚蒲團且安置的  
似老僧無

夏夜遣興二首

雲淨天沉廓開襟仰太虛出籠吾是鶴負袋若為  
驢一枕三生夢孤燈午夜書豪門光燄燄車馬竟  
何如

笑人人笑我人我本縣殊老拙况多病才疎不勝  
愚何心度寸寸無意較銖銖嗜嗜憑君輩奚庸事

覬覦

竹檻

竹檻穿幽徑家園遠市廛高梧將百尺少鶴未千  
年石古浮蒼翠池清引細泉茲遊苦炎毒展簟臥  
風前

贈別

四海無家若與親瓊瑤終許出風塵呼盧擁妓誰  
家子佩劍囊琴失意人歷世但留雙白眼懷才且  
受一時貧燕雲楚水三千路莫負天生有用身



昏鏡

昏鏡若蒙霧衰容費揣摩鰓魚常少睡腹鬼竟為  
魔煮藥方頻試當餐食不多行年將八十百歲恐  
蹉跎

空洞吟

貪夫苦操勞廉士惜妄動時命係於天俯仰豈隨  
衆有客偃蓬廬高吟擊破甕涼風吹我裾一枕羲  
皇夢無錢不善取有錢不浪用囊傾恒晏如囊充  
人可共聚散免縈心我腹饒空洞遜彼營營者爭

喧成市闕

小愈

小愈雖堪慰頽唐終自傷酸麻筋骨異痛楚齒牙  
長刮目思除膜剗心欲補瘡不逢華與扁斯意轉  
茫茫

打盹

門徑從他生網塵哀絲激管異天真牀頭若使黃  
金在牖下應無打盹人

野田雀



木一堂言 卷十六 書  
喑喑野田雀見粒不敢餐少年窺伺之爾雀寧久  
安屈竹為弓靶和泥轉彈丸一發幸未中遁入青  
雲端直欲訴鳳皇口燥舌亦乾乃知人間世飲啄  
殊艱難

長歌行

豈不聞天生瓊樹八百尺瑇瑁琅玕瓊之實離珠  
三頭遞伺之積石千里鳳所食又不聞漏脯勿充  
腸鳩酒莫入口失身醉飽非吾徒朝歌暮泣君知  
否我生曠蕩寡知交茫然四顧誰為偶黃金聚散

本無奇田園况屬他人有豈無饑渴時非義烏可  
受萬緣已付恩情外不信蹉跎成皓首詎知蜂蝶  
未忘情因人負責門常扣風雨牀頭劍自鳴地濶  
天空雙白手

乞食

道逢乞食人牽兒復挈婦問子來何方云自京江  
口嗟嗟涸轍魚垂垂喪家狗欲語氣還咽雲山幾  
回首持授懷中錢掩袂袖以手意恐歲遷延日食  
何能久為君進一言請君聊記取莫愁來日無且



喜今朝有

邱園

日月無偏照庸愚智易昏爭名違恤命見利久忘  
恩志士身難屈豪家勢最尊阿誰甘棄置白髮老

邱園

曉霧

高人猶未起元豹已潛踪似慢能遮目如雲欲盪  
霄一時成吐漱萬類儘包容詎意從風斷樓臺露  
幾重

橋上

絺衣羽扇古橋頭橋上無人水自流浩浩有源來  
不息悠悠如逝去難留柳隄誰挂千絲網荻港頻  
回一葉舟短髮蕭森禁獨立夕陽收盡幾多愁

黃白蝶

雙蝶來翩翩黃白交相逐奈何金玉姿慣就花間  
宿萬一逢鳶鷂多禍而少福

示勉

飽食自終日安居無遠思泥牛鞭不起木馬倩誰



騎縱少開心鑿寧忘刺股雖及時須勉力莫學五

男兒

陶詩雖有五男兒總不好紙筆

納涼

家園瀟灑絕纖埃移榻迎涼日幾回老樹當門松  
閣暗清風入牖竹窓開不常有酒客稀到即使無  
花蝶亦來落落疎襟容放達漫勞人事苦相催

林下堂詩卷十六

畢



